



LINDÅS KOMMUNE

Stabsavdelinga
Besøksadresse:
Telefon: 5637 5000 Telefaks 5637 5001
Postadr.: Kvernhusmyrane 20, 5914 Isdalstø
E-post: postmottak@lindas.kommune.no
Heimeside: www.lindas.kommune.no
Kartside: www.nordhordlandskart.no
Org.nr: 935 084 733 Bank: 1503 22 54567

«MOTTAKERNAVN»

«KONTAKT»

«ADRESSE»

«POSTNR» «POSTSTED»

Dykkar ref.

«REF»

Vår ref.

2006/2193 -
192 -
4771/2013

Arkivkode:

F00

Sakshandsamar:

Tove Mette
Fyllingen

Telefon

56 37 51 75

Dato:

19.02.2013

Melding om vedtak

Avtale om administrativt vertskommunesamarbeid om Nordhordland legevakt og augeblikkeleg hjelp (ØH) døgntilbod

Vedlagt fylgjer saksutgreiing med vedtak.

Med helsing

Tove Mette Fyllingen
administrasjonskonsulent





Arkiv: F00
Saksmappe: 2006/2193
Sakshandsamar: Terje Sætre
Dato: 19.02.2013

Utvalssak nr.	Utval	Møtedato
7/13	Eldrerådet	29.01.2013
7/13	Råd for menneske med nedsett funksjonsevne	28.01.2013
15/13	Levekårsutvalet	29.01.2013
9/13	Formannskapet	31.01.2013
11/13	Kommunestyret	14.02.2013

Avtale om administrativt vertskommunesamarbeid om Nordhordland legevakt og øyeblikkelig hjelp (ØH) døgntilbod

Saka går til uttale i eldrerådet, råd for menneske med nedsett funksjonsevne og levekårsutvalet

Saka går til innstilling i formannskapet

Saka skal avgjerast endeleg i kommunestyret

Rådmannen gjer slikt framlegg til vedtak:

Lindås kommune sluttar seg til framlegget til avtale om administrativt vertskommunesamarbeid om Nordhordland legevakt og øyeblikkelig hjelp (ØH) døgntilbod.

Handsaming i Eldrerådet - 29.01.2013

Eldrerådet går for rådmannen sitt forslag.

Samrøystes vedteke.

Uttale i Eldrerådet - 29.01.2013

Eldrerådet går for rådmannen sitt forslag

Handsaming i Råd for menneske med nedsett funksjonsevne - 28.01.2013

Råd for menneske med nedsett funksjonsevne har ingen merknader tilsaka.

Samrøystes vedteke.

Uttale i Råd for menneske med nedsett funksjonsevne - 28.01.2013

Råd for menneske med nedsett funksjonsevne har ingen merknader tilsaka.

Handsaming i Levekårsutvalet - 29.01.2013

Rådmannen sitt framlegg vert samrøystes vedteke.

Uttale i Levekårsutvalet - 29.01.2013

Rådmannen sitt framlegg vert vedteke.

Handsaming i Formannskapet - 31.01.2013

Rådmannen sitt framlegg vert samrøystes vedteke.

Innstilling i Formannskapet - 31.01.2013

Rådmannen sitt framlegg vert vedteke.

Handsaming i Kommunestyret - 14.02.2013

Innstillinga frå formannskapet vart samrøystes vedteke.

Vedtak i Kommunestyret - 14.02.2013

Lindås kommune sluttar seg til framlegget til avtale om administrativt vertskommunesamarbeid om Nordhordland legevakt og øyeblikkelig hjelp (ØH) døgntilbod.

Saksutgreiing:

Saksdokument ikkje vedlagt:

- Kommunestyresak av 27.09.2007: "Nordhordland legevakt – samarbeidsavtale og delegasjon av myndigheit v/administrativt vertskommunesamarbeid.
- Kommunestyresak 102/12: Nordhordland legevakt – styrking av legevakta og konsekvensar av nye oppgåver

Bakgrunn og heimel for avtalen

Viser til:

- kommuneloven § 28e Samarbeidsavtalen.
- Nordhordland legevakt - samarbeidsavtale og delegasjon av myndigheit v/administrativt vertskommunesamarbeid av 2007
- Særavtale om kommunalt øyeblikkelig hjelp døgntilbod i Nordhordland av 2013.

I 2007 vedtok kommunane Austrheim, Masfjorden, Fedje, Radøy, Meland, Modalen og Lindås vertskommunesamarbeid om legevakt etter kommunelova § 28.

Desse kommunane, med tillegg av Gulen og Osterøy kommunar, slutta seg i slutten av 2012 til tilrådingane i saka "Nordhordland legevakt – styrking av legevakta og konsekvensar av nye oppgåver"- m.a.:

- Gulen og Osterøy kommunar blir nye deltakarkommunar i legevaktssamarbeidet
- Interkommunalt samarbeid om døgnplassar for augeblikkeleg hjelp mellom kommunane Austrheim, Masfjorden, Fedje, Radøy, Meland, Modalen, Gulen, Osterøy og Lindås.

Med utgangspunkt i denne saka blir følgjande samarbeidsavtale tilrådd:

Avtale om administrativt vertskommunesamarbeid om Nordhordland legevakt og øyeblikkelig hjelp (ØH) døgntilbod

Samarbeidskommunar:

Austrheim, Fedje, Lindås, Masfjorden, Meland, Modalen, Radøy, Gulen og Osterøy.

Lindås kommune er vertskommune for samarbeidet.

Ansvar - og oppgåvefordeling

Lindås kommune er vertskommune for legevaktssamarbeidet og det kommunale tilbodet om øyeblikkeleg hjelp døgnopphald i Nordhordland. Vertskommunen vil ha drifts-, personal og overordna fagleg ansvar for tilbodet.. Med tilvising til kommunelova kap 5A, § 28-1 e vert det inngått samarbeidsavtale mellom samarbeidskommunane og Lindås kommune som vertskommune. Oppgåver og avgjerdsmynde lagt til samarbeidet vert regulert, herunder også økonomiske forpliktelsar.

Med tilvising til kommunelova § 28-1 b nr. 3 og 4 får Lindås kommune v/rådmannen delegert ansvar og avgjerdsmynde for den administrative leiinga og dagleg drift av ØH – døgntilbodet. Overordna medisinsk fagleg ansvar er plassert hos legevaktsjefen ved Nordhordland legevakt.

Oppgåver – tillagt samarbeidet

- a) Medisinsk naudmeldeteneste (samband) og legevakt, herunder akuttmedisin innanfor legevakta si opningstid– eksklusiv daglegevakt*, jfr. lov om kommunale helse- og omsorgstenester § 3-2.
- b) Eksternt finansierte prosjekter innan helsetenesta, med spesiell vekt på evaluering.

- c) Øyeblikkelig hjelp døgntilbud - , jfr. lov om kommunale helse- og omsorgstenester § 3-5, tredje ledd.

Avgjersmynde – lagt til samarbeidet

- i) Diagnostisere og behandle akutte medisinske tilstander og sørge for henvisning til spesialisthelsetenesta ved behov - og å vurdere, gi råd og rettleie ved henvendingar om augeblikkeleg hjelp, jfr. lov om kommunale helse- og omsorgsteneste § 3-2 og § 3- 5, innanfor legevakta si opningstid – med unntak for daglegevakt*.

- ii) Treffe avgjerd om og å gjennomføre eksternt finansiert relaterte prosjekt innan helsetenesta. Rekneskap for kvart prosjekt skal bli ført, og kvart prosjekt skal gå i rekneskapsmessig balanse (dvs. prosjektets eksterne inntekter skal gå opp i opp med prosjektets utgifter) **

- iii) Etablere og drifte kommunane sitt augeblikkeleg hjelp døgnoophald ihht *Særavtale om kommunalt øyeblikkelig hjelp døgntilbod i Nordhordland*. Tilbodet gjeld for personar som oppheld seg i kommunar som er part i denne avtalen. Jfr. lov om kommunale helse- og omsorgstenester § 3-5,tredje ledd og § 3-1, første ledd

- iv) Førebuing av klagesaksbehandling etter lov om pasient- og brukerrettigheter § 7–2 i forhold til oppgåver nemnd under pkt. i) og iii) ovanfor , jfr.også kommunelova § 28 -1 f nr. 2. (Klagebehandling elles, sjå kommunelova § 28f).

* *Med daglegevakt meinast i denne samanheng behandling av lege v/Nordhordland legevakt på dagtid i tidsrommet 0800 – 1530, kvardag.*

** *Prosjektverksemd er ikkje lovpålagt, og er følgjeleg frivillig for kommunane.*

Tidspunkt for overføring av oppgåver og avgjersmynde:

- Tidspunkt for overføring av oppgåver og avgjersmynde om legevakt for Gulen og Osterøy kommunar blir å avtale nærare
- Tek sikte på overføring av oppgåver og avgjersmynde om ØH-døgnplassar frå 01.08.2013.

Underretning om vedtak

For å ivareta samarbeidskommunane sitt innsyns- og informasjonsbehov, skal samarbeidsavtalen innehelde regler for korleis vedtak som blir fatta i vertskommunen skal bli gjort kjent i samarbeidskommunane.

Eit naudsynt vilkår for at samarbeidskommunane skal ha høve til å bringe avgjerda inn for lovlegheitskontroll hos fylkesmannen etter § 59 i kommunelova er at samarbeidskommunane blir gjort kjent med vedtak fatta i vertskommunen.

Korleis underretninga skjer, er opp til avtalepartnarane å avgjere.

Behandling av budsjett og rekneskap

Rådmannen i Lindås kommune skal innan 1.september sende framlegg for budsjett for neste år og langtidsbudsjett til samarbeidskommunane – til høyring, med svarfrist innan 30.september.

Samarbeidskommunane skal bli orientert om rekneskaps situasjonen kvart kvartal, første gong rekneskaps situasjonen pr. 31.mars.

Vesentleg sviikt i inntekter og/eller vesentleg auke av utgifter må bli meldt til samarbeidskommunane snarast råd.

Prosjekt

Samarbeidskommunane skal varslast straks om etablering av nye prosjekt. Kortfatta statusrapport på igongverande prosjekt skal bli oversendt deltakarkommunane, minst ein gong i året. Rekneskap for kvart einiskild prosjekt skal bli lagt fram for samarbeidskommunane – snarast etter rekneskapsårets utløp.

Andre forhold

Vesentlege avvik i forhold til vilkår som er sett i samarbeidsavtalen blir å orientere samarbeidskommunane om snarast.

Informasjonsmåte

Rådmannen i Lindås kommune informerar administrasjonssjefane i dei respektive deltakarkommunane.

Regulering av det økonomiske oppgjeret

a) Deltaking i legevaktssamarbeidet:

Fordeling av økonomiske ressursar som skal bli tilført verksemda frå kommunane blir berekna som ein sum av årleg deltakaravgift og capita fordelte netto driftsutgifter. Årleg deltakaravgift pr. kommune: 17.4% av sum utgifter til fordeling blant kommunane delt på tal deltakarkommunar. Den resterande nettoutgift blir fordelt etter folketal i kommunane.

I tillegg må dei samarbeidande kommunane betale Lindås kommune som vertskommune administrasjonsgebyr.

b) Deltaking i ØH-døgnopphald tilbodet

Det er ein føresetnad for etablering av tilbodet at tilskot frå Helsedirektoratet vert innvilga.

Tilskotet til øyeblikkeleg hjelp døgnopphald i kommunen er basert på Helsedirektoratets rettleiingsmateriell for tilskotet, herunder mellom anna berekningsgrunnlaget for tilskotet tatt inn i rettleiaren "Kommunenenes plikt til øyeblikkeleg hjelp døgnopphold".

Partane er einige om at omfanget av øyeblikkeleg hjelp tilbodet i kommunen vert basert på berekningsgrunnlaget tatt inn i rettleiaren "Kommunenenes plikt til øyeblikkeleg hjelp døgnopphold"

Tabellen under viser fordeling av antatt liggedøgn pr. kommune som øyeblikkelig hjelp døgnopphald skal famne, samt størrelse på tilskotet som vert utmåla og utbetalt kommunevis, jfr rettleiar. Dette vil bli justert fram til 2016'. Tilskottet frå kommunane må justerast tilsvarande.

Tilskotet skal uavkorta gå til tiltaket og vert overført til vertskommunen når det er innvilga. Vertskommunen skal sikre at midlane er øymerka dette tiltaket.

Frå 2016 er det meldt at midlar til dette tiltaket vert overført til kommunane gjennom rammetilskot. Berekna midlar til tiltaket skal også etter dette overførast til vertskommunen.

Samarbeidskommunane betalar a-konto kvart kvartal til Lindås kommune som vertskommune – første gong 31.03– etter budsjettet beløp. Endeleg oppgjer basert på rekneskapsavslutning for kvart år.

Oppseiingsfrist:

Samarbeidet kan bli sagt opp – med eitt års varsel. Likevel slik at samarbeidet opphøyrar ved kalenderårs utløp.

Viser elles til særavtalen om kommunalt øyeblikkelig hjelp døgntilbod i Nordhordland.

Administrativ nemnd

Administrativ nemnd har rådgjevande funksjon for rådmannen i Lindås kommune og for legevaktsleiinga i forhold til legevakta og døgnopphald for øyeblikkelig hjelp:

- Nemnd med 9 medlemmer – samansett av representantar frå politisk/administrativt/fagleg nivå blant deltakarkommunane. Kvar deltakarkommune skal vere representert i nemnda ved rådmann eller den rådmannen utpeikar.
- Framhald av fagråd - samansett av kommuneoverlegar i deltakarkommunane. Fagrådet er rådgjevande for legevaktsleiinga, og for nemnda.
- Desse organa bør m.a. kunne delta i vurderinga av "nye" helsetiltak i regionen. Spesielt kan nemnda kome med tilrådingar/førebuingar i aktuelle nye saker, som i neste omgang kan bli presentert Helseutvalet/Regionrådet i Nordhordland, og derifrå eventuelt vidare til kommunane.

Driftsgruppe

Før tilbodet om døgnplassar for øyeblikkeleg hjelp startar opp skal partane etablere ei felles driftsgruppe som skal delta i vidareutvikling og evaluering av tilbodet. Driftsgruppa skal ha helsefaglege representantar frå kommunane i Nordhordland og Haraldsplass Diakonale Sjukehus. Driftsgruppa skal ha eige mandat som skildrar ansvar, oppgåver og arbeidsform.

Driftsgruppa skal fastlegge retningslinjer for tenesta, utarbeide rutinar for handsaming av avvik og fastsetje indikatorar og kriterier for evalueringa av tilbodet. Dette skal ferdigstillast og godkjennast av alle kommunar snarast mogleg og seinast ein måned innan oppstart av tilbodet.

Faktorar av betydning på kommunenivå som påvirker pågang og kapasitet på legevakts-/ØH-døgnsengtilbodet

Kvar einskild deltakarkommune må tilstrebe at m.a.følgjande forhold blir ivaretekne for å sikre kapasiteten på legevakts-/ØH-døgnsengtilbodet:

- Fastlegekapasitet
- Tilgang til lege same dag
- Tilgang på sjukeheimslegar
- Kvalitet og kapasitet på sjukeheimstilbod og pleie- og omsorgstenester generelt
- Korttidsplassar
- Kapasitet til å ta imot utskrivningsklare pasientar frå sjukehus
- Medvirke til å unngå reinnleggingar
- Oppfølging av samarbeidsavtalane.

Avtalen om vertskommunesamarbeid mellom samarbeidskommunen og vertskommunen er grunnlag for:

- Delegasjon av avgjerdsmynde frå samarbeidskommunen til rådmannen i vedkomande kommune.
- Delegasjon av avgjerdsmynde frå rådmannen i samarbeidskommunen til rådmannen i Lindås kommune, som vertskommune.